

درسعادتده یکی پوسته‌خانه قارشوسنده
دايره مخصوصه در
محل اداره:

مستطابق

دين، فلسفه، ادبيات، حقوق و علوم دن باحث هفته‌لق رساله در

مؤسسلرى: ابوالعلا زين العابدين - ح. اشرف اديب

درسعادتده	سنه لى	التى ايلقى
ولاياتده	۶۵	۳۵
ممالك اجنبیهده	۹۰	۵۰
	۱۰۰	۵۵ غروشدر

تاریخ تأسیسی:
۱۱ نموز ۳۲۴

درسعادتده نسخه سی ۵۰ پاره در

قیریلهدن مقوا بورو ایله کوندریلیرسه سنوی
۲۰ غروش فضلہ آلتیز.

درسعادتده پوسته ایله کوندریلیرسه ولایات بدلی اخذ اولنوره

اخطار:

مسلكبزه موافق آثار جدیده مع المنونیه قبول اولنور
درج ایدیلدین آثار اعاده اولماز

معضومك قاتی صوروب توكتدكربنی كوردكجه « لا تركنوا الى الذين ظلموا فتمسكم النار » آیت جلیله سی کویا اولجه هیج اوقونامش واستماع ایدلامش کبی مهابت افزای سنوح اوله رق اوخونه مذلت مصیرک افعال دنائت اشتمالی نصل بر جزای آتشین ایله نتیجه پذیر اوله جفنی کوستردی . آیت جلیله نك معنای شریفی « ای قوللم ظالمه میل جزئی ایله ده میل و محبت و مداهنه و مخالطت ایتمک زیرا انره میل ایدرسه کز سزی نارجهنم مس ایدر » دیمکدر .

ایمدی . ظالمه میل و محبتک جزای سزاسی نارجهنم اولجه بالذات صفحات حیاتی برهائله خون آلود اولان ظلمه معاونت و بلکه ظلم واعتسافی تأمین اقبال واستقبالنجه مدار موفقیته عد ایدن ارباب خیانتک حالی نه اوله جقدر « فاعتبروا یا اولوالابصار » .

۲۰ اگستوس سنه ۳۲۴ در سعادت استیناف محکمہ سی حقوق رئیس

ماهر

اعجاز قرآن

نه مهابتی عنوان ! .. اکبر آیات الهیه ، اعظم بینات محمدیه ، کافل کافه سعادات بشریه ، جامع غایات قوانین مدنیه اولان فرقان باهر البرهان اسلامینک بیان اعجازی ... نه طاقتداز بر بارکران ! .. اوت حضرت قرآن . فصاحت خارق العاده سی ، بلاغت غیرالناسیله صناید سخنوران عالمی اعجاز ایلدیکی قدر بو اعجازینی یازمق ایستیانلری دخی عاجز براقشدر . بووادیه متوجه اولان خامه بیان وهله کنیدیسی پک هییت افزا بردریای جوشان بلاغت پیشکاهنده کوروب حرکت جوالانه سی برسکون آنییه مبدل اولور .

عوالم علویه نك الكبالا طبقات و صفحاته یتیشه جک قدر بر استعداد طیرانه مالک اولان طائر علوی خيال بر شمس عالم افروز کبی آفاق علویاتی محیط اولان مرتبه بلند اعجاز قرآنییه منعطف اولدوقده جوارینه تقرب ایتمدن بر فراش متعافت کبی درکه پستییه سقوط ایدر . هیج بر دلیله محتاج اولیدرق عموماً مسلم اولان شو حقیقت قطعیله ایلر برابر حضرت قرآنک مقتون علویتی اولان فحول ارباب ایمان عصر مزه قدر بر چوق خدمات بر کزیده ایفا و فیوض بی انتها سندن عالمی حصه مند ایتمک همت ایلیرک علوم قرآن نامی التنده بی حد و پایان بر بحر فراوان علم و عرفان وجوده کتیر مشلردرکه بونلر اوجه دندر :

(علم معرفة المنکى والمدنى) (علم معرفة اول منازل) (علم معرفة اسباب النزول) (علم معرفة كيفية انزال القرآن) (علم معرفة اسماء القرآن) (علم معرفة عدد سور القرآن وآياته وکلماته وحروفه) (علم معرفة كيفية تحمل القرآن) (علم معرفة غريب القرآن) (علم معرفة الوجوه والنظائر في القرآن) (علم معرفة اعراب القرآن) (علم معرفة المحکم والمتشابه) (علم معرفة مقدم القرآن ومؤخره) (علم معرفة عام القرآن وخاصة وجملة وبنه) (علم معرفة الناسخ والمنسوخ) (علم معرفة المشکل) (علم معرفة المطلق والمفید) (علم معرفة المنطوق والفهوم) (علم معرفة وجوه المخاطبات) (علم معرفة حقيقة الفاظ القرآن)

آفتاب آسمان ساحه وسیعة الانحای آفاقنک وسعته کوره نشر انوار ایتدیکی کبی او آفتاب اوج تجلی و عرفان اولان قرآنده کشفیات فیه نك بدایع طبیعیه نك جمعیت مدنیه نك معارف انسانیه نك ترقی و تکاملنه کوره اظهار حقایق و اسرار ایتمکده اولدیغی بالبداهه کوریلوب طوریبور . هر نه زمان زیور زبان قارئین اولسه شاهد دلربای حلاوت و طراوتیله افنده منوره مستعینی تسخیر و احکام جلیله الهیه سی مستعد هدایت اولان وجدانلر اوزرنده ذوق وهیبتدن مرکب بر کیفیت مؤثره تقریر ایدرک عیون منتبهی کریمه صفايه و قلوب سلیمه یی خوف و رجایه ، افکار صحیحه یی وادی حیرته ، ابدان مطیعیه یی قبله کاه جبروته قارشو توجه و عبادته مجبور ایدر .

او نشوه جانفزای حقیقتک زوالنی متعاقب حیز آرای حصول اولان سکون روحانی اوزرنده انسان الآن قوه سامعه سنده حکم فرمای تأثیر اولمده بولنان او کلام لاهوتینک جمله کاه تبلیغه هنوز شرف افزای نزول اولمش بر کتاب الهی اولدیغنه قائل اوله جفنی کلور .

الحاصل قرآن جمیع منافع و مفاسد بشریه و بالجملة اصول و قواعد مدنیه یی مبین بر کتاب بدیع التبیاندر نه تقادم زمان ایله تبدل ونه مرور ایام ایله تغیر ایدر جامع علوم اولین و آخرین الحق « ولا رطب ولا یابس الا فی کتاب مبین » در .

جسمانی و روحانی مادی و معنوی دنیوی و اخروی بو تکامل حقیقییه مبنیدرکه انکله کتب منزله سماویه شرفیاب انتها و صاحب جلیل اقدس اولان نورعین عالم افند مزده خاتمه پیرای جمع انبیا اولمشدر . از جمله صباح الخیر حریتک شعشمه عیون آراسیله نهایت بولان او شب دهشت انکیز استبداده یولنی شاشیره رق نره یه کیتدیکی ونره یه باصه جفنی بیلیان اعمالر کبی باشلیغزی دیوار ظلم اعتسافه اوره رق المرغزی راست کله بر استناد کاه امل بولمق ایچون هر طرفه اوزاندیغمز صره ده ایدی که قرآن عظیم الشاندر اشبو : « وکم قصمنا من قریه کانت ظلمة وانشأنا بعدها قوما آخرین » آیت جلیله سی کویا بزم شو یار و اغیاری آغلادان احوال پریشانغزی نتیجه سیله مفسر اولمق اوزره هنوز نازل اولمش بر فرمان الهی ظن اولنوردی آیت جلیله نك مأل منینی « چوق قریه و مملکت اهالیسی که ظالم و معتسف و توحیده منافی احوال ایله متصف ایدیلیر بز آنلری قیروب افنا و آنلردن صکره بشقه بر قومی خلق و انشا ایلدک » دیمکدر شو حالده شمدییه قدر فکر لرینی دوشونمکدن دوچار خشیت و کولکلی نتایج ایله سنک تصویر یله کرتار دهشت ایدن و تخیلی وجودلری تتره دن و تقوه یی تولیدی او پردن نصل هولناک منتج هلاک و لهربا بر اوچور و مده بی محابا اوینامقده ایتمز . ایشته بر قومک یکنه سبب بقا و تعالیسی عدل و داد و موجب محو و پریشانیسی ظلم و استبداد اولدیغی مسئله سنک ثبوتی ده معجزات قرآنیه دندر . هله صیادان استبداده خدمتله ذوق آشام مسرت اولمق مظالمخانه لرینی ظالمانه بیقدرلری بر طاقم بیچاره کان اولرینک انقاضیله یایمق ایستیان و منافع شخصیه لرینی الحاصل ابنای جنسک مضراتنده اریان جسم ملت سلوکلرینک حسن ایفای وظیفه نامیله هر کون بر

آرده یا شاسه ، اولرده قاپانوب قلماسده صنایعه سلوک ایتسه کی
تمیلر برچوق آغیزلردن ایشیدیلیر اولدی .
کاظم افندی خواجه من چکن هفتدی مقاله لرنده بوکی مطالبک
معقول اولدیغنی سوبلدیلیر .

وقتیله مصرده ده عینی مسئله میدان مناقشه یه چیقیش ، مستوریتک
علیهنده ، لهنده ، یازیلر یازلمشدی .

مخالفتک ایشدیلیر قاسم امین بک ایدی . بوذات (المرأة الجدیده)
(تحریر المرأة) نامنده ایکی اثر نشر ایتدی . بالطبع آغیر آغیر مقابله لر
کوردی . بز اوزمان فرید وجدینک . بوکون مصر جمعیت ملیه سی
رئیسیدر - مدافعه سی کورمش ، حتی ترجمه ایش ایدک ، بونسخه دن
اعتباراً نشرینه باشلايه جنز . کنده زدن ده بر قاج سوز سوبلیک ایتدی ؛
لکن ترجمان اوله جنمزدات مسئله یی اطرافیه تدقیق ایتشدر . اونک
ایچون سوزی اهلنه بر اقمه یی ده مناسب کوردک .

مسلمان قادینی

مؤلفی : فرید رهبری

جناب مؤلف واجبی ادا یولنده غایت پارلاق بر دیباجه ایله سوزه
باشلا یور دیورکه :

امت اسلامییه نیک تشکیل ایتدیکی وجودک بر جزوی اولدیغی ایچون
بنده قادین مسئله سی حقنده کی مطالباتمی بیلدیرمه کنده برحق
کورسیورم . بو اولیه بر مسئله درکه اطرافیه تدقیق ایدمک حقیقته
ظفریاب اولوق ، طائفه نسوانک تهذیبی تأمین ایدمک ال طوغری
یولی بولوق ایچون بوکون عجمان ترقی هم دست وفاق اولمشر آله بیلدیکنه
چالیشیورلر . بناء علیه جداً دهشتناک اولان شومسئله اجتماعیه یی حازر
اولدیغی اهمیتیله متناسب اوله بیله جک بر صورتده تدقیقه موقیتمی
جناب حقندن تمی ایدرم ؛ ناکه بو خصوصده تعقیب ایدمک ، یاخود
کیرو طورلوق ایستیانلار طرز حرکتک ماهیتی قارئین کرامتک نظرنده
لا یقینه تمین ایتسون .

واقعا مسئله نیک بویله باشلی باشنه بر کتاب یازمق کلفتنه دکری یوق .
ظنیله بی سوزی اوزاتمش ، یاخود صدردن اوز اقلاشمش اولقله مؤاخذه
ایدنلر بولنه بیلور . لکن یقیناً بیلیرمه اکثریت بومسئله نیک کمال امعانه
لیاقتی ، حتی اصول سائر حیاتیه مزله ارالرنده کی علاقه دن ، ارتباط
متیندن طولایی بونک (مسئله المسائل) اطلاقنه استحقاقی بیلدیکی ایچون
بو تشریحات دور درازه حق ویره جکلرندن بشقه بحثی ده بیله ایلرو
کتورمه یی ایستیه جکلردر . اوت ، خلقک بر قسمی قادین مسئله سنک
بودرجه اهمیتی اولسنی اوته دنبری استبعاد ایدوب طور بیورلر . حتی
(تحریر المرأة) مؤلفی مطالعات مخصوصه سی سرده قالمشده یی کوندن
اعتباراً بولنده «عجبا بک افندی کی یکی فکرلی کتبلریمزک سر آمداندن
بولنان برذاتک پیشگاه امعاننده بومسئله دن زیاده بحث و تحقیقه شایان
بر موضوع یوقی ایدی ؟ ار ککلرک تهذیب اخلاقنه ، اصلاحنه عائد مطالعاتده
بولنوق قادینلر ککندن الزم دکلی ایدی ؟» دیمکه باشلا دیلر .

ومجازها (علم معرفة التشبهات والاستعارات) (علم معرفة الحصر
والاختصاص) (علم معرفة الایجاز والاطناب) (علم معرفة بدائع القرآن)
(علم معرفة فواصل الآیات) (علم معرفة فوائح السور) (علم معرفة خواتم
السور) (علم معرفة مناسبات الآیات والسور) (علم معرفة الآیات المتشابهات)
(علم معرفة العلوم المستنبطة من القرآن) (علم معرفة امثال القرآن) (علم
معرفة امثال القرآن) (علم معرفة مبهات القرآن) (علم معرفة من نزل
فیهم القرآن) (علم معرفة فضائل القرآن) (علم معرفة مفردات القرآن
(علم معرفة خواص القرآن) (علم معرفة تفسیر القرآن وتأویله)

فحول ، اشبو علملردن بشقه حجت نجات عالمن اولان حضرت
قرآنک کلام بشر ایله هیچ بر مناسبتی اولیوب صرف کلام ربانی
اولدیغنی قطعاً مرتبه وضوحه وصولنه خادم اولان علم اعجاز قرآنی یه
دائرده برچوق آثار مفیده یازمشدر که خطابی ، رمانی ، زملاکاتی ،
امام رازی ، ابن سراقه ، قاضی ابوبکر باقلانی حضرتنک بو بابده کی
مؤلفات مخصوصه لری باشلیجه شواهد اعجاز فرقانیدن معدوددر انجق
بو علمک ارباب اختصاصی آثار مذکوره ایچندن بالخاصه قاضی ابوبکر
باقلانینک کتسابی ترجمه ایدوب حتی بوفنده اوکا معادل هیچ بر اثر
یازلامش اولدیغنی بیان ایشلردر .

واقعا اثر مذکوره نظر ایدنلر اثرک حقیقه ابدع آثار دن معدود
اولدیغنی تصدیقه تردد ایتملر .

حضرت قرآنک شعر ویاخود سمیع نوعندن اولدیغنی وکلام شعر
ایله قطعاً مناسبتی بولمیشدی حقنده کی بیانات وایضاحات مدققانه سی
شعرای جاهلیه نیک سرفرازی اوله رق عالم شعر عربینک تقدم ادوار
ووسعت اقتدار اعتباریه اک بیوک استاذی عداوونان جناب امری القیسک
شهنامه فصاحت و بلاغت اولان معلقه مشهوره سی حقنده کی تنقیدات
عمیق وواقفانه سی و تاملج جلیل فرمان قرآنی اولان حضرت رسالتک
خطب شریفه لرندن بدأ ایدوب عالم اسلامده یتشمش اولان بر چوق
اکابر خطبانک مشهور خطبه لرنی درج ایله آنلری انظار مقایسه یه
عرض ایتسی حضرت باقلانینک علم اعجازده پک بلند بر اقتداره مالک
براستاد جلیل اولدیغنی اثبات ایتلکه در .

انجق مشار ایله بو بابده مقیاسی لزومی نسبتنده واسع طوتماش
اولدیغندن مطلبه شدت ارتباطی درکار اولان بعض مباحث مهمه
خارج از دائرة صدد قالمشدر .

چونکه حضرت قرآنک هر در لو اقتدار بشرفوقنده اولان بلاغتی
اعتباریه اعظم معجزات نبویه اولدیغنی ایچون بر قاج بحثه احتیاج
طبیعی اولدیغنی حالده بونلر اعجاز باقلانیده مندرج دکلدر .

زین العابدین زاده :

ابوالفضل سید محمد نسیب

بر ایکی سوز

مسلمان قادینلرینک ارککدن قاجسنی غریبلر اوتهدن بری دیلرینه
طولامش ایکن صوک زمانلرده بو عادت شرقیلرکده خوشنه کیتمه مک
باشلا دی . بزم قادینلریمزده نسوان غرب کی اولسه ؛ ارککلرله بر